

德宏史志资料

德宏史志编委会办公室 编

第十三卷

၁၂၈ မူတီ ၁၂၇ မူဂီ ၁၂၆ မူဂီ

Sakhkung labau sumhting laika

德宏史志资料

第十三集

德宏州史志编委办公室编

德宏民族出版社出版

一九九〇年十一月

责任编辑：匡大一

封面设计：李开明

封面题字：李群杰

德宏史志资料

第十三集

•

德宏民族出版社出版发行

德宏团结报印刷厂印刷

•

开本：787×1092 1/32 印张：16 字数：380千

1990年11月第一版 1990年11月第一次印刷

印数：1—3000

ISBN 7—80525—088—×

K·24 定价：2.50元

《德宏史志资料》第十三集

目 录

编辑出版说明..... (3)

● 元 代 史 料 ●

- 《元史·本纪》有关德宏史料选..... (1)
《元史·地理志》有关德宏史料选..... (6)
《经世大典·征缅录》..... (7)
《经世大典·招捕总录》大理金齿条..... (11)
《元史·列传》有关德宏史料选..... (12)
《元史·缅传》..... (13)

● 明 代 史 料 ●

- 西南夷风土记.....明·佚名 (17)
《殊域周咨录》云南百夷.....明·严从简 (22)
使缅录.....明·张洪 (35)
南夷书 (摘录)明·张洪 (36)
缅甸始末.....明·包见捷 (39)
《滇考》三则.....明·冯苏 (45)

● 清 代 史 料 ●

- 从征缅甸日记.....清·周裕 (52)
滇行日记.....清·王昶 (55)
征缅纪略.....清·吴楷王昶 (59)
征缅纪闻.....清·王昶 (68)
绥缅纪事.....清·孙士毅 (82)
缅述.....清·彭嵩毓 (94)

征缅甸记.....	清·魏源	(101)
平定缅甸略述.....	清·赵翼	(105)
西轺日记.....	清·黄琳裁	(111)
附录：《中国历代战争史》清代征缅之战.....		(119)

● 民 国 史 料 ●

民国时期德宏金融史料选.....		(133)
芒市——边疆的要镇.....	民国·姜樵生	(165)
民国末期瑞丽事件档案史料选.....		(172)

● 傣 文 史 料 选 译 ●

广母货卯——瑞丽姐勒佛塔史.....		(225)
记述勐卯土司争袭事件的两篇傣文史料.....		(237)

征缅甸记.....	清·魏源	(101)
平定缅甸略述.....	清·赵翼	(105)
西轺日记.....	清·黄琳裁	(111)
附录：《中国历代战争史》清代征缅之战.....		(119)

● 民 国 史 料 ●

民国时期德宏金融史料选.....		(133)
芒市——边疆的要镇.....	民国·姜樵生	(165)
民国末期瑞丽事件档案史料选.....		(172)

● 傣 文 史 料 选 译 ●

广母货卯——瑞丽姐勒佛塔史.....		(225)
记述勐卯土司争袭事件的两篇傣文史料.....		(237)

《元史·本纪》有关德宏史料选

元宪宗二年（1252年）秋七月，命忽必烈征大理。

世祖岁癸丑（1253年）……秋八月，师次临洮，遣玉律术、王君侯、王鉴谕大理，不果行。

九月壬寅，师次忒刺，分三道以进。大将兀良合台率西道兵，由晏当道；诸王抄合、也只烈帅东道兵，由白蛮；帝由中道。

冬十月丙午，过大渡河，必经行山谷二千余里，至金沙江，乘革囊及筏以渡。

十一月辛卯，复遣玉律术等使大理。丁酉，师至白蛮打郭寨，其主将出降，其侄坚壁拒杀，攻拔杀之，不及其民。庚子，次三甸。辛丑，白蛮送款。

十二月丙辰，军薄大理城。初，大理主段氏微弱，国事皆决于高祥、高和兄弟。是夜祥率众遁去，命大将也古及拔突儿追之。帝既入大理，曰：“城破而我使不出，计必死矣。”己未，西道兵亦至，命姚枢等搜访图籍，乃得三使尸，既瘞，命枢为文祭之。辛酉，南出龙首（按当为龙尾）城，次赵险。癸亥，获高祥，斩于姚州。留大将兀良合台戍守，以刘时中为宣抚使，与段氏同安辑大理，遂班师。

中统二年（1261年）六月庚申，赐大理国主段实虎符，优诏抚谕之。

八月戊戌，以燕京等路宣抚使赛典赤为平章政事。敕以贺天爵为金齿等国安抚使，忽林伯副之，乃诏谕使安其民。

至元四年（1267年）九月庚戌，遣云南王忽哥赤镇大理、鄯阐、茶罕章、赤秃哥儿、金齿等处，诏抚谕吏民。

至元七年（1270年）十二月丁未，金齿、驃国三部酋长阿匿福、勒丁、阿匿斤来内附，献驯象三、马十九匹。

至元十年（1273年）二月丙戌，诏勘马刺失里、乞带脱因、刘源使缅甸，谕遣子弟近臣来朝。

三月壬申，分金齿国为两路。

闰六月丙子，以平章政事赛典赤行省云南统合刺章、鸭赤、赤科、金齿、茶罕章诸蛮，赐银二万五千两、钞五百锭。

至元十五年（1278年）四月丙辰，诏以云南境土旷远，未降者多，签军万人进讨。丁丑，云南行省招降临安、白衣、和泥分地城寨一百九所，威楚、金齿、落落分地城寨军民三万二千二百，秃老蛮、高州、筠连州等城寨十九所。

至元十六年（1279）六月癸巳，云南都元帅爱鲁、纳速刺丁招降西南诸国。爱鲁将兵分定亦乞不薛。纳速刺丁将大理兵抵金齿、蒲驃、曲腊、缅甸界内，招忙木、巨木秃等寨三百，籍户十一万二百。诏定赋租，立站递，设卫送军。军还，献驯象十二。

至元十七年（1280年）二月丁丑，诏纳速刺丁将精兵万人征缅甸。乙酉，赏纳速刺丁所部征金齿功银五千三百二十两。庚子，阿里海牙及纳速刺丁招缅甸及洞蛮降

臣，诏就军前定录其功以闻。

五月癸丑，诏云南行省发四川军万人，命药刺海领之，与前所遣将同征缅甸。

至元十九年（1282年）二月甲午，议征缅甸，以太卜为右丞，也罕的斤为参政，领兵以行。壬子，诏签亦奚不薛及播、思、叙三州军征缅甸。

至元二十年（1283年）春正月癸亥，敕药刺海领军征缅甸。

三月丁巳，以万户不都蛮镇守金齿。

五月戊午，丞相伯颜、诸王相吾答儿等言，征缅甸军宜参用蒙古新附军。从之，甲戌，发征日本重囚往占城、缅甸等处从征。

至元二十一年（1284年）春正日己未，罢云南都元帅府，所管军民隶行省。丁卯，建都王乌蒙及金齿一十二处俱降。建都先为缅所制，欲降未能。时诸王相吾答儿及行省右丞太卜、参知政事也罕的斤分道征缅，于阿昔、阿禾两江造船二百艘，顺流攻之，拔江头城，命都元帅袁世安戍之。遂遣使招谕缅王，不应。建都太公城乃其巢穴，遂水陆并进，攻太公城，拔之，故至是皆降。辛未，相吾答儿遣使进缅甸所贡珍珠、珊瑚、异采及七宝束带。丁丑，云南诸路按察司官陞辞，诏谕之曰：“卿至彼，当宣明联意，勿求货财。名成则货财随之，徇财则必失其名，而性命亦不可保矣。”

二月辛巳，以福建宣慰使管如德为泉州行省参知政事，征缅。

夏四月壬寅，忽都铁木儿征缅之师为贼冲溃。戊申，敕发思、播、田、杨二家军二千从征缅。云南行省为破缅甸江头城，进童男女八十人，并银器币帛。

秋七月丁丑朔，云南省臣言：“腾越、永昌、罗必丹民心携贰，宜令也速带儿或汪总帅将兵讨之。”制曰“可”。

冬十月戊申，四川行省言金齿遗民尚多未附，以药刺海将探马赤军二千人讨之。丁卯，以招讨使张万为征缅招讨使，佩三珠虎符。

至元二十二年（1285年）秋七月乙未，云南行省言：“今年未暇征缅，请收获秋禾，先伐罗北甸等部。”从之。

八月丙寅，省合刺章、金齿二宣抚司为一，治永昌。

九月乙亥，永昌、腾冲二城在缅甸金齿间，摧圯不可御敌，敕修之。

十二月辛卯，赏诸王阿只吉、小厮、汪总帅、别速带、也先等所部及征缅、占城等军钞五万三千五百四十一錠、马八千一百九十七匹、羊一万六千六百三十四只、牛十一头、米二万二千一百石、绢帛八万一千匹、绵三百三十斤、木棉二万七千二百七十九匹、甲千被、弓千张、衣百七十九袭。

至元二十三年（1286年）二月甲辰，以雪雪的斤为缅甸中行省左丞相，阿台董阿参知政事，兀都迷失金行中书省事。

夏四月庚子，云南省平章纳速刺丁上便宜数事：一曰弛道路之禁，通民来往；二曰禁负贩之徒，勿仰从征；三曰罢丹当站赋民金为饮食之费；四曰听民伐木贸易；五曰戒使臣勿扰民居，立急递补以省驛骑。诏议行之。

六月辛酉，遣镇西、平缅等路招讨使怯烈招谕缅甸。

秋七月壬午，给金齿国使臣圆符。

冬十月甲寅，以征缅甸功，调招讨使张万为征缅甸副都元帅，也先铁木儿征缅甸招讨司达

鲁花赤，千户张成征缅招讨使，并虎符，敕造战船，将兵六千人以征缅，俾秃满带为都元帅总之。

至元二十四年（1287年）秋七月戊戌，枢密院奏：“命征缅行省事合撒儿海牙言，此至缅甸，谕其王赴阙，彼言邻番数叛，未易即行，拟遣阿难答刺奉表贡土贡入觐。”庚戌，云南行省爱鲁言，金齿酋打奔等弟兄求内附，且乞入觐。

八月乙丑，以李海刺孙为征缅行省参政，将新附军五千、探马赤军一千以行，仍调四川、湖广行省军五千赴之。召能通白夷、金齿道路者张成及前占城军总管刘全，并为招讨使，佩虎符，从征。以脱满答儿为都元帅，将四川省兵五千赴缅省，仍令其省驻缅近地，以俟进止。

至元二十五年（1288年）夏四月甲戌，敕缅中行省，比到缅中，一禀云南王节制。

十一月丁亥，金齿遣使贡方物。

至元二十六年（1289年）三月癸巳，金齿入塞完以其民二十万一千户有奇来归，仍进象三。

闰十月丙午，缅甸遣委马刺菩提班的等来贡方物。

至元二十七年（1290年）三月己未，改云南蒙邻甸为蒙邻路军民总管府，蒙莱甸为蒙莱路。

秋七月癸丑，罢缅中行尚书省。丙寅，云南阑力白衣酋长凡十一甸内附。

至元二十八年（1291年）二月己卯，立金齿等处宣慰司都元帅府。

冬十月壬申，以前缅中行尚书省平章政事雪雪的斤为中书省平章政事。

十一月戊午，金齿国遣阿腮入觐。

至元二十九年（1292年）二月丁亥，乞台不花等使缅甸。

十二月庚寅，中书省臣言：“金齿适当忙兀秃儿迷失出征军马之冲，资其刍粮，立为木来府。己酉，故麓川路军民总管达鲁赤花阿散男布八同赵升等，招木忽鲁甸、金齿土官忽鲁马男阿鲁来入见，贡方物。阿鲁言其地东南邻境未附者约二十万民，慕化愿附，请颁诏旨，命布八、赵升谕之，从之。

至元三十年（1293年）正月壬戌，诏遣使招谕漆头、金齿蛮。

九月丙寅，遣金齿人还归。

十一月戊辰，以金齿木朵甸户口增，立下路总管府，给其为长者双珠虎符。

至元三十一年（1294年）四月己酉，以金齿归附官阿鲁为孟定路总管，佩虎符。

六月乙酉，云南金齿路进驯象三。

冬十月乙未，金齿新附孟爱甸酋长遣其子来朝，即其地立军民总管府。壬寅，缅甸遣使贡驯象十。

成宗元贞元年（1295年）二月丁亥，云南行省平章也先不花言：“敢麻鲁有两夷未附，金乞亦叛服不常，乞调兵六千镇抚金齿，置驿入缅。”从之。戊子，金齿带梅混冬等来见，缅甸阿刺扎高微班的来献舍利、宝玩。

三月丙辰，金齿夷洞蛮来见，赐衣遣之。

八月辛酉，缅甸进驯象三。

元贞二年（1296年）冬十一月壬辰，缅王遣其子僧伽巴叔撒邦巴来贡方物。

大德元年（1297年）二月己未，封的立普哇拿阿迪提牙为缅国王，且诏之曰：

“我国家自祖宗肇造以来，万邦黎献，莫不畏威怀德。响先朝临御之日，尔国使人稟命入觐，诏允其请。尔乃递食前言，是以我帅阃之臣加兵于彼。比者，尔遣子信合八的奉表来朝，宜示含弘，特加恩渥。今封的立普哇拿阿迪提牙为缅国王，赐之银印，子信合八的为缅国世子，赐以虎符。仍戒飭云南等处边将，勿擅兴兵甲。尔国官民，各宜安业”又赐缅王弟撒邦巴一珠虎符，酋领阿散三珠虎符，从者金符及金饰，遣之。

大德二年（1298年）九月己丑，交趾、爪哇、金齿国各贡方物。

大德三年（1299年）二月壬申，金齿国遣使来贡方物。

三月癸巳，缅国世子信合八的奉表来谢赐衣，遣还。

大德四年（1300年）夏四月丁巳，缅国遣使进白象。

五月癸未，增云南至缅甸十五驿，驿给圆符四，驿券二十。

六月己酉，诏立缅甸王子窟麻刺哥撒八为缅国王，赐以银印及金银器皿衣服等物。

秋七月乙酉，缅甸阿散哥也弟者苏等九十一人各奉方物来朝，诏命余人留安庆，遣者苏来上都。

八月庚申，缅甸阿散吉牙等昆弟赴阙，自言杀主之罪，罢征缅兵。

十二月癸巳，遣刘深、合刺带、郑祐将兵二万人征八百媳妇。

大德五年（1301年）六月乙丑，缅王遣使献驯象九。

八月中戌，遣薛超兀而等将兵征金齿诸国。时征缅师还，为金齿所遮，士多战死。又接连八百媳妇诸蛮，相效不输税赋，贼杀官吏，故皆征之。庚辰，征缅甸万户曳刺福山等进驯象六。

冬十月己巳，缅王遣使入贡。

大德七年（1303年）三月乙巳，以征八百媳妇丧师，诛刘深，笞合刺带、郑祐，罢云南征缅分省。

五月己丑，诏云南行省整饬钱粮。丙申，遣征缅回军万四千人还各戍。

秋八月庚戌，缅王遣使献驯象四。

大德八年（1304年）五月己巳，以平宋隆济功，赐诸王脱脱、亦吉里带、平章庆兀而等银钞金饰玉带及大理、金齿……宣慰等官银钞各有差。

武宗至大元年（1308年）春正月己巳，缅甸进驯象六。

五月己巳，缅甸进驯象六。

秋七月癸酉，又以管祝思监为礼部侍郎、朵儿只为兵部侍郎使缅甸。

至大四年（1311年）五月壬午，金齿诸国献驯象。

仁宗皇庆元年（1312年）十一月庚申，缅甸主遣其婿及云南不农蛮长岑福来朝。

延祐二年（1315年）六月丙午，缅甸主遣其子脱刺合等来贡方物。

延祐六年（1319年）二月丁酉，云南阁里爱俄、永昌蒲蛮阿八刺等并为寇，命云南省从宜剿捕。

秋七月丙辰，缅甸赵钦撒以方物来观。

延祐七年（1320年）九月甲辰，云南木邦路土官绍邦子忙兀等人贡，赐饰有差。

英宗至治元年（1321年）春三月丁丑，御大明殿受缅甸使者朝贡。

泰定元年（1324年）冬十月丁丑，缅甸王子吾者那等争立，岁贡不入，命云南行省谕之。

泰定二年（1325年）夏四月丙午，焚夷及搜雁遮杀云南行省所遣谕蛮使者，敕追捕之。

五月壬子，木邦路蛮八庙率焚夷万人寇陷倒八汉寨，督边将严备之。

八月辛卯，云南白夷寇云龙州。

泰定三年（1326年）春正月丙辰，缅甸乱，其主答里也伯遣使来乞师，献驯象方物。

三月戊午，诏安抚缅甸，赐其主金饰。

九月戊辰，云南行省威楚路秃刺寨长哀培……茫施路土官阿利、镇康路土官泥囊弟陀金客……并奉方物来献。……并降金符、铜印，仍赐币帛鞍勒有差。

泰定四年（1327年）十一月辛卯，云南蒲满来附，置顺宁府宝通州庆甸县。缅甸主答里必牙请复立行省于迷郎崇城，不允。

致和元年（1328年）夏五月癸酉，大理怒江甸土官阿哀你寇乐辰诸寨，命云南行省督兵捕之。

文宗至顺元年（1330年）二月乙酉，云南麓川等土官来贡方物。丙申，云南蒲满来朝。

三月丙子，云南木邦路土官浑都来贡方物。

九月癸巳，置麓川路军民总管府。

至顺三年（1332年）三月丁酉，缅甸遣使者阿落等十人，奉方物来朝贡。

至元四年（1338年）十二月戊戌，立邦牙等处宣慰司都元帅府并总管府。先是，世祖既定缅地，以其处云南极边，就立其酋长为帅，令三年一入贡，至是来贡，故立官府。

至正二年（1342年）十二月丙辰，赐云南行省参知政事不老三珠虎符，以兵讨死可伐。

至正六年（1346年）夏六月丁巳，诏以云南贼死可伐盗据一方，侵夺路甸，命赤秃浑为云南行省平章政事讨之。

至正七年（1347）三月乙丑，云南王勃罗来献死可伐之捷。

至正十五年（1355年）三月辛丑，监察御史言安置脱脱于云南镇西路，……仍籍其家产。

秋八月戊寅，云南死可伐等降，令其子莽三以方物来贡，乃立平缅宣抚司。

《元史·地地志》有关德宏史料选

永昌府 唐时蒙氏据其地，历段氏、高氏皆为永昌府。元宪宗七年（1257年），分永昌之永平立千户。至元十一年（1274年），立永昌州。十五年（1278年）升为府，隶大理路。领一县：永平。

腾冲府 在永昌之西，即越賧地。唐置为羁縻郡。蒙世九世孙异牟寻取越賧，逐诸蛮有其地，为软化府。其后白蛮徙居之，改腾冲府。元宪宗三年（1253年），府首高救内附。至元十一年（1274年）改藤越州，又立藤越县。十四年（1277年），罢州县，府如故。永昌、腾冲二府军民屯田共二万二千一百五双。（《元史》第5册1479页）

金齿等处宣抚司 其地在大理西南，澜沧江界其东，与緬地接其西。土蛮凡八种：曰金齿，曰白夷，曰焚，曰峨昌，曰骠，曰繻，曰渠罗，曰比苏。按唐史，茫施蛮本关南种（按：“关南”应为“开南”之误），在永昌之南，楼居，无城郭。或漆齿，或金齿，故俗称金齿蛮。自汉开西南夷后，未尝与中国通。唐南诏蒙氏兴，异牟寻破群蛮，尽虏其人以实其南东北，取其地，南至青石山緬界，悉属大理。及段氏时，白夷诸蛮渐复故地，是后金齿诸蛮浸盛。元宪宗四年（1254年），平定大理，继征白夷等蛮。中统初，金齿、白夷诸酋各遣子弟朝贡。二年（1261年），立安抚司以统之。至元八年（1271年），分金齿、白夷为东西两路安抚使。十二年（1275年），改西路为建宁路，东路为镇康路。十五年（1278年），改安抚为宣抚，立六路总管府。二十三年（1286年），罢两路宣抚司，并入大理金齿等处宣抚司。

柔远路 在大理之西，永昌之南。其地曰潞江，曰普坪睑，曰申睑焚寨，曰鸟摩坪。焚蛮即《通典》所谓黑爨也。中统初，焚酋阿八思入朝。至元十三年（1276年），与茫施、镇康、镇西、平緬、麓川俱立为路，隶宣抚司。

茫施路 在柔远路之南，潞江（按即怒江）之西。其地曰怒谋，曰大枯賧，曰小枯賧。即唐史所谓茫施蛮也。中统初内附。至元十三年（1276年），立为路隶宣抚司。

镇康路 在柔远路之南，澜江之西。其地曰石賧，亦黑焚所居。中统初内附。至元十三年，立为路，隶宣抚司。

镇西路 在柔远路正西，东隔麓川。其地曰干赖睑，曰巨澜賧，白夷蛮居之。中统初内附，至元十三年立为路，隶宣抚司。

平緬路 北近柔远路。其地曰骠賧，曰罗必四庄，曰小沙摩弄，曰骠賧头，白夷居之。中统初内附，至元十三年立为路，隶宣抚司。

麓川路 在茫施路东（按：应为在茫施路西），曰賧头附赛，曰賧中弹吉，曰賧尾福禄培，皆白夷所居。中统初内附，至元十三年立为路，隶宣抚司。

南賧 在镇西路西北。其地有阿赛賧、午真賧，白夷、峨昌所居。元初内附，至元十五年隶宣抚司。金齿六路一賧，岁赋金银各有差。

编者按：据方国瑜先生所撰《元史地理志云南行省概说》文中考证，有关金齿区域的内容有：（一）元代大理、金齿等处宣慰司之金齿、百夷诸路，除元志所载六路之外，尚有孟定路、谋粘路、木连路、蒙光路、木邦路、通西府、南甸路七处，《元史》录在行省地名之后，又蒙邻（蒙连）路、蒙莱（蒙来）二处，录在大理路之前，此并金齿地。又有《混一胜览》所无者，云远路《元志》录在威楚路之后，驃甸府及二十四寨达鲁赤花，录在行省地名之后，亦金齿地。《元志》所录，错在数处，且未完备。李京《云南志略·诸夷风俗》曰：“西南之蛮，百夷最盛，北抵吐蕃，南抵交趾（即蒲甘之皎栖），分迤东、迤西。”其迤东十路，为今德宏自治州及临沧地区，又迤西为今缅甸掸邦及客钦邦等地。

（二）银沙罗甸。《元志》缺，魏源《元史新编·地理志》据《元史·本纪》补之。按《混一方輿胜览》大理金齿等处宣慰司，金齿百夷诸路有银沙罗甸及尊昌、曹广甸二地名，又《招捕总录》延祐四年，《元史·本纪》泰定四年，并载银沙罗甸地名。……从所见银沙罗甸事迹，可知其地在永昌之南，为南诏时永昌节度地，非银生节度地也。

（三）平缅宣慰司。《元史·本纪》：“至正十五年八月戊寅，云南死可伐（思可法）等降，令其子莽三以方物来贡，立平缅宣慰司”，《元史·百官志》作宣抚司。明初，多有元时所设平缅麓川宣慰司元记载说：“地方三十六路”（《云南机务抄黄》洪武十六年六月二十七日敕文）。钱古训、李思聪《百夷传》曰：“百夷即麓川平缅也，地在云南之西南，东接景东府，东南接车里，南至八百媳妇，西南至缅甸，西连戛里，西北连西天古刺，北接西蕃，东北接永昌。”此即设平缅宣慰司后，至明初不断发展势力之疆界，包括元代金齿之迤东、迤西诸路，为云南西南部政区之一大改变。

《经世大典》征缅录

朝廷以至元十年始遣使招缅，不至。十四年春，缅人犯边，偏将忽都、土官信苴日辈大败之。十月，行省纳速刺丁破其三百余寨，然皆方面疆场之事。二十年，始诏宗王相吾答儿往征，破其江头城。二十二年，乃议纳拟贡方物，既其王为庶子不速速古里所囚。大德二年，其臣阿散歌也复擅废立。四年，命宗王阔阔、云南省平章政事薛罔兀儿、忙兀、都鲁迷失等率师问罪，功不就而还。臣作政典，见高丽有林衍承化，公金通精之乱。今缅亦似之，皆蕞尔国而屡有弗靖，至烦朝廷兵镇抚，可怜哉。

至元八年，大理、鄯阐等路宣慰司遣乞儂脱因等使缅，招其内附，不得见其王，见其臣下，遣价博者偕来。十年，以乞台脱因充礼部郎中，与勘马刺失里及工部郎中刘源、工部员外郎卜云失，充国信使副持诏往谕，徵其子弟大臣来朝。十二年四月，建宁路安抚使贺天爵言：“金齿人阿郭知入缅三道，一由天部马，一由驃甸，一由阿郭地

界，俱会緬之江头城。又阿郭亲戚阿提犯在緬掌五甸，户各万余欲内附，阿郭愿先招阿提犯及金齿之未降者，以为引导。”云南省因言緬王无降心，去使不返，必须征讨，圣旨姑缓之。十一月，云南省始报差人探伺国信消息，蒲赋阻道，今蒲人渐多降者，道稍通，遣金齿干额总管阿禾探得国使已达緬，俱安。十四年（1277年）三月，緬人以阿禾内附，怨之，攻其地，欲立寨腾越永昌之间。时，大理路蒙古千户忽都，大理路总管信苴日，总把千户脱罗脱孩，奉命伐永昌之西腾越、蒲驃、阿昌、金齿之未降部族驻南甸。阿禾告急，忽都等昼夜行，与緬军遇一河边，其众约四、五万，象八百，马万匹，我军仅七百人。緬人前乘马，次象，次步卒。象被甲，背负战楼，两傍挟大竹筒，置短枪数十于其中，乘象者取以击刺。忽都下令，贼众我寡，当先冲河北军。亲率二百八十一骑为一队，信苴日以二百三十三骑，傍河为一队，脱罗脱孩以一百八十七人，依山为一队。交战良久，贼败走，信苴日追之三里，抵寨门，旋泞而退。忽南面贼兵万余绕出我军后，信苴日驰报忽都，复列为三阵，进至河岸击之，又败走，追破其十七寨。逐北至窄山口，转战三十余里，贼及象马自相蹂死者，盈三巨沟。日暮，忽都中伤，遂收兵。明日追之至干额不及而还。俘虏甚众。军中以一帽或一两靴一毡衣易一生口，其脱者又为阿禾、阿昌邀杀，归者无几。而官军负伤者虽多，唯一蒙古军击获一象，不得其性，被击而毙，余无死者。十月，云南省遣某道宣慰使都元帅纳速刺丁率蒙古、爨焚、摩些军三千八百人征緬，至江头深蹂首首细安立寨之所，招降其木乃、木耍、蒙帖、木巨、木秃、磨欲等三百余寨土官，曲腊蒲析民四千，孟磨爱吕民一千，磨奈蒙匡黑答八刺民二万，蒙古甸甫禄保民一万，木都弹秃民二百。以天热还师。

二十年十一月，五师伐緬，克之。先是，诏宗王相吾答儿，右丞太卜、参知政事也罕的斤，将兵征緬。二十年九月一日，大军发中庆。十月二十七日至南甸。太卜由罗必甸进军。十一月二日，相吾答儿命也罕的斤取道于阿昔江达镇西阿禾江，造舟二百，下流至江头城，断緬人水路。自将一军，从驃甸径抵其国。十一日，与太卜军会。十三日，令诸将分地攻取。十九日，破其江头城，击杀万余人，别令都元帅袁世安以兵守其地，积粮餉以给军士。遣使持舆地图奏上。

二十二年十一月，緬王遣其监井大官阿必立相至太公城欲来纳款，为孟乃甸白衣头目罽塞阻道，不得行，遣胆马宅者持信札一片来告。驃甸土官匿俗乞报上司，免军马入境，匿俗给榜遣胆马宅回江头城。招阿必立相赴省，且报镇西、平緬、麓川等路宣慰司、宣抚司差三掺持榜至江头城，付阿必立相忙直卜弄二人，期以两月领军来江头城，宣抚司率蒙古军至驃甸相见议视事。阿必立相先乞言于朝廷，降旨许其悔过，然后差大官赴阙。朝廷寻遣镇西平緬宣抚司达鲁花赤兼招讨使怯烈使其国。

二十四年正月，緬王为其庶子不速速古里所执，囚于昔里怯答刺之地。又害其嫡子三人，与大官木浪周等四人同为逆。云南省请今秋进讨，奉旨不听。既而云南王与诸王进征至蒲甘，丧师七千余，始平定，岁贡方物。

大德元年，緬王遣其子僧加八的来朝，赐王爵印，封僧加八的为世子。二年，云南省先遣管竹思加使登笼国，其国王遣舅兀刺合、兀都鲁新合二人从管竹思加赴阙。二月，至蒲甘，緬王帖灭的令可瓦力引军登舟，缚去兀刺合、兀都鲁新合，劫掠贡物以去。六月，管竹思加至太公城，緬人阿只不伽兰等来言，旧緬王帖灭的实行劫夺于尔，

今已去位，邹聂为王，遣我辈召尔议遣人赴朝，管竹思加至蒲甘，邹聂曰：“帖灭的引八百媳妇军，破我甘当、散当、只麻刺、班罗等城。又劫夺尔登笼国人物。尔等回朝，不知其故，必加兵于我。今帖灭的已废，特差大头目密得力信者章者思力三人奉贡入朝。”又移文云南省称：“木连城土官阿散哥也，皇帝命佩大牌子为官人，初实无罪，前缅王欲杀之，圣旨令安治僧民。前缅王却通叛人八百媳妇，引兵来坏甘当、散当、只麻刺、班罗四族百姓。又劫夺登笼国贡物。是故，阿散哥也、阿刺者僧吉蓝僧哥速等，废前缅王，令我为王。”行省以闻。

三年八月，太公城总管细豆移文江头站，头目逮的刺必塞马加刺言：“阿散哥也兄弟三人，领军三万，谓答麻的微缅王及其世子曰：‘自归大元之后，使我多负劳费。’杀缅王以下世子、妻妾、父师、臣仆百余人。”云南行省问其持文书来者，我文哥言：缅王就弑时谓阿散哥也曰：“‘我祖以来不死于刃，可投我水中，或缢死。’遂缢之，埋死所屋下。七日风雨不止，梦其国人曰：‘吾埋不得其地，若焚尸弃骨于水，则晴。’从之果然。我文哥出十余日，又闻世子及逃出次子之母，与父师臣仆与前此随国信使留缅回回，畏吾儿、汉人百余辈皆被害。阿散哥也又逼淫新王之母。”是月，缅王之子古马刺加失八飒耽八者里及其师来奔，陈辞于云南省，乞复仇，大概谓阿巴民叛，缅王乞师，朝廷伐定之，叛人怒，谓王求军杀掠，我为人奴，遂修城聚兵，谋废其王。又僧可速左右，及阿刺者僧吉蓝从人相继从叛者。杀害密里都邦加郎等族。王谓其兄阿散哥也，可劝母兄弟勿尔。对曰：“‘我说必听，不听，我亲伐之。’王悉以其民付阿散哥也，因此力众，遂生二心。王执而囚之。僧哥速等于不甘雨宿，老亦之地，筑大城拒守，水陆进兵来逼蒲甘。王释阿散哥也，令百姓乘象从阿散哥也出见，僧哥速等夺象马，掠百官，求钱物，烧城池，锁王足置豕牢中，分其妻妾。王为皇帝奴，冤苦如此，望拯救。”云南行省：左丞忙兀都鲁迷失又上言：“缅王归朝十一年矣，未尝违失，今其臣阿散哥也兄弟三人，以三罪加其身，置父子縲线，又通新王之母，据旧王之妻妾，假三罪皆实，亦当奏，从朝廷区处，乃敢擅权废立，岂有此理。今其子来求救，且小甸叛人劫虏官民，尚且赴救答麻刺的微王，乃上命为国主，叛臣囚之，岂可不救。抑使外国效尤为乱，将至大患。行省以闻，已而又闻新主亦被杀，阿散哥也篡位。”九月，中书闻于上，上曰：“忙兀都鲁迷失之言是也，速议奏行”。十二月，阿散哥也犯边，攻阿真谷马来城，距太公城二十里驻兵，寻退。

四年正月，召忙兀都鲁迷失赴阙，议兵事。五月，故缅王婿马来城土官纳速刺上言：“大德元年，朝廷遣尚书教化迪伴送世子僧加八的还国，国王集众听诏。唯阿速者僧吉蓝僧哥速不至。二年二月，二人兴兵叛，来驻蒲甘近境。王亦整兵。论叛贼之兄阿散哥也曰：‘尔二弟不听诏，又敢为乱，尔令退兵，从命则已，否则是尔同谋。’”阿散哥也谕之不从，王遂囚阿散哥也。二人引兵逼城。王遣纳速刺等出战，纳速刺败，被擒。王令国中诸僧出谓二人曰：“毋徒苦百姓，尔欲害我乎！若无此心，当释尔兄，复乃职，否则明以告我。”阿散哥也及二弟皆曰：“王是我主，岂有异心，如不信，请如大寺为重誓。”从之。誓毕，释之。贼退，纳速刺亦得归，至五月，三人合兵攻蒲甘，执王及世子僧加八的，次子朝乞力朝普囚于木连城，凡十有一月。三年四月十日，阿散哥也令弟阿难答速杀缅王并二子，余子康吉弄古马刺加失巴遁去。放世子于蒲甘而夺其

妻，又分据王妻妾，共立王孽弟邹聂，方十六岁，诛不附己者。十二月，又攻破阿真国马来两城，纳速刺逃来。五月十五日，中书枢密奏征缅事，忙兀都鲁迷失请用六千人，臣等谓缅与八百媳妇通好，力大，非一万人不可。奉旨所拟犹少，可增为一万二千人。又奏，忙兀都鲁迷失乞与薛超兀儿、刘都元帅德禄同事，及求云南土官高阿康从军。又请命亲王阔阔监军，以振兵威。皆从之。上曰：“阔阔虽去，勿令预事。”四年闰八月，云南平章政事薛超兀儿、忙兀都鲁迷失等发军中庆，期至大理西永昌腾冲会集，十月入缅。十二月五日至马来城大会。十五日，至阿散哥也兄弟三人所守木连三城相接，贼出战，败之。贼闭门拒守。忙兀都鲁迷失、刘左丞据城东北面，薛超兀儿、高阿康参政拒西面，正南无军守之，贼日战，城内四面立三梢单梢炮，向外攻击，官军立排沙围其城。

五年正月，分军破其石山寨。又召白衣催粮军二千助围其城南。十九日城上发矢石檣木杀官军五百余人。二月二日，阿散哥也令十余人呼曰：“我非叛人，乃皇帝良民，以缅王作违理之事，我等收之，彼自饮药而死，非我等蒙古人无甚作恶，若许我投降，省官鉴之。”贼遂使人持金银礼物出见省官，谕贼三人亲出方可，不然难信，若一年不出，我军亦住一年，贼竟不肯亲出。二十七日，万户章吉察儿等状陈天热瘴发，军劳苦不还，实惧死伤获罪，若令我等住夏瘴死，不如赴上前就死。若明白有旨，孰敢不住，在口法传圣旨不行，我等当回军。二十八日，分省官方议军事，章吉察儿等俱领军起营回。二十九日分省官亦回。三月五日，至阿占国城，追及吉察儿等，忙兀都鲁迷失移文称大事未成，岂可回军，若尔等果不肯住，可留一半军或三千当职当住夏守贼。平章薛超兀儿、刘左丞、高参政皆言平章可住，我辈亦可住，我辈皆愿住夏，偏告军官俱令住夏。是日，新王之母乘象追及分官，诉贼拘我于木连城，今始放出，若大军五日不回，必出降，借乎回早。章吉察儿等宣言病军皆已先行，我等明日亦去，无可议者，分省官命追回先行军，皆言已去远，何可及。次日将校皆回，分省官亦由蒙莱路归。薛超兀儿、忙兀都鲁迷失上言：“贼兵困屈，旦夕出降，参政高阿康、土官察罕不花、军官章吉察儿等，同称军多病，不可住，拟合回军，下令留之，不听。持亲典兵权，引军而回，彼既行矣，分省亦不能住。”又言：“朝廷所主缅王已送至其父旧所居城中，报贼胁从省已少，皆从我矣，若可住，当遣人再报，若不可住，我亦走出。”又言：“贼馈阿康酒食，阿康受之，疑是宝货，又军回五程，阿康出银三千两，曰此阿散哥也赂诸将校者。”薛超兀儿等言：“此银尔实受之，我辈未尝知也。欲与诸将，尔自处之。盖因阿康与察罕不花等预此行，故功不成。乞置对以惩后。”八月八日，丞相完泽等奏，奏旨遣河南平章政事二哥等赴云南杂问之。盖自宗王阔阔、平章政事薛超兀儿、忙兀都鲁迷失、左丞刘德禄、参知政事高阿康，下至一二大将校、幕官、令史，皆受贼赂难瓜，已至兵中复纵之，共为金八百余两，银二千二百余两，遂不能号令偏裨，阿康因与察罕不花令诸将抗言不能住夏，擅回。阿康、察罕不花伏诛，忙兀都鲁迷失前死，薛超兀儿、刘德禄遇赦，皆追夺宣敕永不叙用，忙兀都鲁迷失子不得荫，首沮军事万户咬咬忽都不丁千户脱脱木儿真决有差，皆夺所居官，籍其家产之半，余将校各以轻重被笞。察罕不花者丽江路军民宣抚使也。”

《经世大典·招捕总录》大理金齿条

至元七年（1270年），征金齿、骠国五部未降者，破其二部，余三百酋长阿愿、福勒丁阿愿瓜降，献马象。

二十四年（1287年），金齿孟定甸官俺嫂、孟缠甸官阿受、鲁寨官木拜，共率民二万五千来降。又林场蒲人阿礼、阿邻叔阿郎及阿蒙子雄黑，皆为行省招出，阿礼岁承差发铁锄六百，雄黑布三百匹。

三十年（1292年）正月，遣使持诏招漆头金齿。

延祐五年（1318年），永昌南窝蒲贼阿都众阿良等作乱，烧劫百姓，杀镇将，夺驿马。云南省遣参政汪中奉右丞朵尔只讨之，自八月至明年五月破其寨栅，杀人甚众，贼走菁楼，阿良降，余不可得，以天热回军。其枯柯甸、祐甸、庆甸等皆降，愿岁纳输千索。

至治元年（1321年）七月，怒谋甸主管故侵芒施路鲁来等寨，烧百四十一，杀提控按牍一人，有司奉诏书开读招谕，管故不跪听，亦不出降。二年，镇西路大甸火头阿吾与三阵作乱，夺不岭、雷弄二寨。初，三阵父阿兰为镇西总管，叛，要斩，其弟你谷南赴阙贡献，得袭职。你谷南死，子觥朵袭位。三阵使火头倒缅、招思二人见觥朵求少土地人民，不予，遂投阿吾诉之，共作乱，诏使往谕，迎至一楼上，楼下周围悬人首。听诏毕，阿吾怒曰：三阵吾孙也，吾破不岭寨，杀伤甚众，虏五十人，破雷弄甸，烧四百余户，管别寨惧，而降我，我迁其民二百五十家于我弟拜法寨中，不岭所虏木甸人，其族各以银三两赎一人，尽赎去讫，今官招谕，我终不出，亦不受榜，所夺地亦不回付，须与之相杀。南甸路木甸火头觥院，先夺罗左甸火头阿赛妻阿衣为妻，取之，不肯与，又夺阿赛弟莽占妻纳衣，妻其子阿你、阿赛怒，使莽占领兵三百，遣夺其妻，不得，烧觥院寨。

至大三年（1301年）二月，云南省蒙光路土官觥罕上言，有弟三澜在西天界蓝寨守边。大德八年（1304年），三澜来言西天地僻，不知是何达达军马夺数寨而去，今年正月，三澜复遣火头官兜来言西天使来，又有达达军马杀西天三而立，其孙夺其堡寨，所乘马甚高大，蹲伏乃可鞞鞍，问此疆之外其主者谁，西天王对：白衣所居，归属大元为民，出赋久矣。遂出大箭三，金段一，使致信于白衣曰：“我得之地我为主，在尔之地尔自主之，无相侵夺，今来使，以其箭与金段授三澜毋揽陶。有此边警，不敢不报。事闻，朝廷命云南省体探提备施行。